

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**VLADA**

Na osnovu člana 46. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj: 38/05, 22/06 i 63/10) i Odluke o prijemu pripravnika – volontera, broj: 02/1-34-11762/12, koju je donijela Vlada Tuzlanskog kantona na sjednici održanoj dana 28.06.2012. godine, raspisuje se:

**JAVNI OGLAS**  
**za prijem volontera u općinskim sudovima na području Tuzlanskog kantona**

**I**

Za prijem 25 (dvadesetpet) diplomiranih pravnika u svojstvu volontera za potrebe općinskih sudova na području Tuzlanskog kantona, na period do 2 (dvije) godine, bez zasnivanja radnog odnosa, a radi osposobljavanja za samostalan rad na poslovima iz svoje struke i sticanja potrebnog radnog iskustva.

**II**

Volonter nema pravo na naknadu za svoj rad.

Međusobna prava i obveze između Ministarstva pravosuđa i uprave Tuzlanskog kantona i volontera uređuju se ugovorom.

Nakon protoka volonterskog staža sudovi se ne obvezuju zadržati volontera u stalnom radnom odnosu.

**III**

Svi kandidati treba da ispunjavaju opće uslove za rad u organima pravosuđa i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

**IV**

Pored općih uslova, kandidati trebaju da ispunjavaju i posebne uslove i to:

- da je diplomirani pravnik, Visoke stručne spreme - VII stepen ili da ima završen Pravni fakultet koji je vrednovan sa najmanje 240 ECTS bodova.

## V

Uz prijavu kandidat je dužan priložiti, u originalu ili ovjerenj fotografiji sljedeće dokaze:

- diplomu o završenom fakultetu,
- fotokopiju lične karte ili potvrdu o prebivalištu,
- prosjek ocjena završenog studija ( uvjerenje od fakulteta),
- dokaz o invalidnosti (ukoliko posjeduje takav dokaz),
- dokaz o dužini trajanja nezaposlenosti (uvjerenje Službe za zapošljavanje),
- dokaz o sudjelovanju jednog ili oba roditelja u odbrambenom ratu (uvjerenje nadležnog organa).

Kandidati koji budu izabrani za volontere, uvjerenje o zdravstvenoj sposobnosti moraju dostaviti rukovodiocu općinskog suda u koji se prima na rad, najkasnije do zaključivanja Ugovora o volonterskom radu.

## VI

Bodovanje za odabir kandidata za volontiranje vršit će se na temelju Pravilnika o kriterijima i postupku izbora i prijema volontera VII stepena stručne spreme u općinske sudove na području Tuzlanskog kantona, broj: 06/1-34-4383/12 od 09.07.2012. godine.

U slučaju da kandidati imaju isti broj bodova, prednost imaju članovi porodice šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica („Službene novine Tuzlanskog kantona“, broj: 3/07, 4/08, 13/09 i 8/10), kao i pripadnice ženskog spola.

Osim toga, prilikom odabira kandidata, vodit će se računa o njihovoj nacionalnoj zastupljenosti.

## VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Ministarstvu pravosuđa i uprave Tuzlanskog kantona, Džafer Mahala broj 51, 75 000 Tuzla, putem pošte preporučenom pošiljkom, sa naznakom „ za Javni oglas – ne otvarati“, u roku od 15 dana od dana objavljivanja oglasa.

Javni oglas će biti objavljen u jednom od dnevnih listova i na web stranici Vlade Tuzlanskog kantona : [www.vladatk.kim.ba](http://www.vladatk.kim.ba).

Nepotpune i neblagovremene prijave neće biti uzete u razmatranje.

O rezultatima Javnog oglasa kandidati će biti pismeno obaviješteni.